



Luta Hamutuk

INSTITUTU BA PESQUIZA/INVESTIGASAUN, ADVOKASIA NO KAMPA
Timor-Leste Institute for Research, Advocacy and Campaigns

Add: Rua Gov. Celestino da Silva-Farol, Aldeia Lirio, Suco Motael, Vera Cruz, Dili
Email Add: lutahamutuk.timorleste@gmail.com
PO. BOX: 1034, Correios, Dili, Timor-Leste
Tel: (+670) 332 2619 or (+670) 724 5063, 726 3783 & 724 3966

Komunikadu da Imprensa

Luta Hamutuk Kapasita Membru Komite, Lider Lokal no Focal Point iha Sub Distrito Bazartete kona ba Partisipasaun Komunitade Iha Dezenvolvimentu

Iha loron 14 Abril Luta Hamutuk hala'o treinamentu loron ida iha sub Distrito Bazartete ho topiko Partisipasaun Komunitade iha prosesu dezenvolvimentu. Objetivu husi treinamentu ida ne'e atu kapasita lider komunitariu, membru komite no focal point Luta hamutuk hodi bele partisipa iha prosesu dezenvolvimentu, liu-liu programa dezenvolvimentu Lokal (PDL) nebe mak atu implementa iha distrito Liquisa. Partisipante iha treinamentu ne'e mai husi Lider Komunitariu, membru komite, Fokal Point Luta hamutuk nomos representante feto no juventude suco nian.

Bazeia ba topiko iha leten iha prosesu treinamentu nee apresentador Luta Hamutuk sira apresenta kona ba saida mak partisipasaun? Nivel Partisipasaun komunitade, prosesu partisipasaun no meus partisipasaun. Iha treinamentu nee mos apresentador husi Luta Hamutuk treina komunitade oinsa halo mapa hodi identifika sira nia potencia antes halo prioridade ba sira nia dezenvolvimento, mapa hirak nee mak hanesan mapa ba rai nian, mapa social, mapa rekursu, mapa risiko vunirabilidade, mapa calendariu musim/seasonal.

Luta Hamutuk hanoin katak ho mapa hirak nee bele ajuda komunitade hodi hatene sira nia kondisaun atu nune bele ajuda sira waihira identifika sira nia prioridade dezenvolvimentu suco nian no resolve risiko mak dalaruma sei afeita ba sira nia prioridade ba dezenvolvimentu.

Iha treinamentu nee mos Luta Hamutuk treina partisipante sira oinsa hili prioridade ho meus nebe bele partisipativu liu mak hanesan uja ranking no scor card iha prosesu hili prioridade, uja diagram venn hodi hare prioridade

dezenvolvimentu nee iha afeito ba seitor seluk iha kalae? Nomos uja pohon/ai masalah hodi buka problema comunidade nian hun hodi buka solusaun no bele resolve problema nee.

Prosesu ikus husi treinamentu nee mak partisipante sira aplika fila fali teoria sira nebe mak apresenta no diskuti ona nee liu husi apresentasaun grupo hanesan grupo primeiro apresenta kona ba oinsa hili prioridade ho renking no score card, grupo Segundo apresenta kona ba oinsa uja diagram ven hodi hare prioridade dezenvolvimentu nia afeito ba seitor seluk, grupo terceiro mak apresenta oinsa uja pohon/ai masalah hodi identifika problema nia hun hodi buka solusaun no bele resolve. Luta Hamutuk hare mos katak maske treinamentu nebe mak halao lora balu deit maibe iha hatudu indikasaun katak lider local, membru komite no focal point sira antusiasme no partisipativu makas iha prosesu treinamentu tomak.

Dili, 15 de Abril de 2010

Mericio Akara

Direitur Exekutivu Luta Hamutuk

Tel: (+670) 726 3783